



Ibuku rĩa Ngai kũrĩ ciana  
nĩrĩrakũrehera

Rĩrĩa Ngai ombire  
indo ciothe



Rwandĩkĩtwo nĩ: Edward Hughes  
Rũthathaũrĩtwo nĩ: Byron Unger; Lazarus  
Rũharĩrĩirio nĩ: Bob Davies; Tammy S.  
Rũtaũrĩtwo nĩ: Christian Lingua  
Rũtungĩtwo nĩ: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2018 Bible for Children, Inc.  
Rũtha: Nĩwĩtĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.



Nũ watũmbire? Ibuku rĩa Ngai, arĩ rĩo Kiugo kĩa Ngai, nĩrĩratũtarĩria kĩhumo kĩa mũndũ. Tene mũno, Ngai nĩombire mũndũ wa mbere na akĩmwĩta Adamu.


Ngai ombire Adamu kuma kwĩ rũkũngũ. Rĩrĩa Ngai ahuhĩrĩrie Adamu mĩhũmũ ya muoyo,

Adamu agĩtuĩka kĩũmbe kĩ muoyo. Agĩkora arĩ mũgũndainĩ mũthaka wetagwo Edeni.



Ngai atombĩte Adamu, nĩombire thĩ thaka ĩrĩa yarĩ na indo cia magegania. Ikinya gwa ikinya, nĩombire irĩma na kũndũ kũrĩa kwaraganu, mahũa mathaka na mĩtĩ mĩraihu, nyoni thaka na njũkĩ iria cĩĩ thauti ya mwanya, thamaki nene iria cĩĩgarũragĩra maĩinĩ na ndinoho iria ndenderũ.

Nĩma, Ngai nĩwe wombire indo ciothe iria irĩ kuo - ciothe ciothe.



Hau kīambīrīriainī biū, Ngai atombīte kīndū  
o gīothe, gūtiarī na kīndū o na  
kī, otiga Ngai we mwene.


Gūtiarī na andū, kana  
kūndū o na kana indo.

Gūtiarī kīndū o na kī.


Gūtiarī na ūtheri  
kana nduma.

Gūtiarī na  
mīambato kana  
mīikūrūko. Gūtiarī na  
mūthenya wa ira kana rūciū.


No Ngai tu warī kuo ūrīa ūtarī  
kīambīrīria. Ngai agīcoka agīka cīiko!  
Kīambīrīriainī, Ngai akīūmba igūrū na thī.




Na thĩ ndĩarĩ ũrĩa yatarĩĩ na  
ndĩarĩ na kĩndũ. Nayo  
nduma yarĩ kũndũ  
guothe kũrĩa  
kũriku. Ngai  
akĩaria  
akiuga,  
"reke  
kũgĩe na  
ũtheri."



Na gũkĩgĩa na ũtheri. Ngai agĩĩta ũtheri "mũthenya"  
nayo nduma akĩmĩĩta "ũtukũ". Na gũgĩtuka, gũgĩcoka  
gũgĩkĩa. Ũcio nĩguo warĩ mũthenya wa mbere.



Mũthenya wa kerĩ, Ngai agĩtũma maĩ ma maria marĩa  
manene na ma maria marĩa manini macokanĩrĩre  
hamwe rungu rwa igũrũ. Mũthenya wa gatatũ, Ngai  
akiuga, "reke thĩ nyũmũ yumĩre." Na gũgĩtuĩka ũguo.





Ningĩ Ngai agĩatha nyeki, na mahũa na ithaka  
ciumĩre. Na ikiumĩra. Na gũgĩtuka,  
gũgĩcoka gũgĩkĩa. Ũcio  
nĩguo warĩ  
mũthenya wa  
gatatũ.




Ngai agĩcoka akĩũmba riũa, na  
mweri, na njata nyingĩ mũno  
iria gũtarĩ mũndũ ungihota  
gũcitara. Na gũgĩtuka,  
gũgĩcoka gũgĩkĩa. Ũcio nĩguo  
warĩ mũthenya wa kana.




Nyamũ cia maĩinĩ, thamaki na nyoni nĩcio Ngai abangĩte kumba thutha ũcio. Mũthenya wa gatano akĩũmba thamaki ĩrĩa nene ĩ mũniũrũ mũraihi na thamaki iria nini, nyaga iria cĩ magũrũ maraihi na nyoni ĩrĩa niini ĩinaga. Ngai akĩũmba thamaki mũthemba yothe nĩguo ciihũre maĩinĩ na nyoni mũthemba yothe nĩguo cĩrahage thĩ nyũmũ, irianĩ na rĩerainĩ. Na gũgĩtuka, gũgĩcoka gũgĩkĩa. ũcio nĩguo warĩ mũthenya wa gatano.



Thutha ũcio, Ngai akĩaria rĩngĩ. Akiuga, "reke thĩ nyũmũ ĩrute ciũmbe cĩ muoyo..." Mĩthemba yothe ya nyamũ, tũnyamũ tũrĩa tũmbũkaga, na nyamũ iria itambaga thĩ igĩtũra muoyo. Imwe ciacio ciarĩ njogu iria ciinainagia thĩ na mũthemba ũrĩa mũnene wa huko.




Nũgũ iria cĩĩ ithako ikĩru, na ing'ang'i iria  
cĩĩkururagia. Mĩnyongoro ĩrĩa ĩĩnyogondaga na therũ  
iria cirũgarũgaga mĩtĩĩnĩ. Ndũiga iria cithiaga  
cĩĩkururĩtie na nyau iria ing'orotaga. Nyamũ ciothe  
cia mĩthemba yothe, ciombirwo nĩ Ngai mũthenya  
ũcio. Na gũgĩtuka, gũgĩcoka gũgĩkĩa. Ũcio nĩguo warĩ  
mũthenya wa gatandatũ.




Ngai agĩcoka agĩka ũndũ ũngĩ mũthenya ũcio wa  
gatandatũ - ũndũ warĩ wa mwanya mũno makĩria.  
Maũndũ mothe marĩ maharĩrĩrie nĩtondũ wa mũndũ.

Nĩkwarĩ na irio mĩgũndainĩ na nyamũ cia  
kũmũtungata. Na Ngai akiuga,  
"reke tũmbe mũndũ na  
mũhuanĩre witũ. Reke atuĩke  
mwathi wa indo ciothe iria  
cĩ thĩ." KWOGUO NGAI  
AKIŨMBA MŨNDŨ NA  
MŨHUANIRE WAKE;  
THIINIĨ WA  
MŨHUANIRE WA  
NGAI AKIMŨMBA ...



Ngai akĩra Adamu,  
"Rĩa kĩa gĩothe  
ũngĩenda kuma  
mũgũnda ũyũ. No  
ndũkanarĩe itunda  
kuma mũtĩ ũrĩa  
ũmenyithanagia  
wega na ũũru.  
Ũngĩkanarĩa itunda  
kuma mũtĩ ũcio,  
nonginya ũgakua."




Na Mwathani Ngai akiuga, "Ti wega mündũ mūrũme aikarage arĩ wiki. Nĩngũmũmbĩra mũmũteithia." Ngai akĩrehera Adamu nyoni na nyamũ ciothe.

Adamu agĩcihe marĩĩtwa cĩ ciothe. No nginya angĩakorirwo ena ũũgĩ mũingĩ mũno nĩguo ahote gwĩka ũguo. No gatagatĩ ka nyoni na nyamũ icio ciothe,




gũtiarĩ ona ĩmwe yagĩrĩire gũtuĩka mũteithia wa Adamu.





Ngai agĩtũma Adamu akome toro warĩ mũritũ mũno.  
Akĩruta rūbaru rwa mũndũ mũrũme ũcio wakomete,  
na akĩũmba mũtumia kuma kwĩ rūbaru rũu. Mũtumia  
ũcio Ngai ombire nĩagĩrĩire  
kũna gũkorwo arĩwe  
mũnyanyawe  
wa Adamu.



Ngai akiũmba indo ciothe na thikũ ithathatũ.  
Agĩcoka akĩrathima mũthenya wa mũgwanja  
na akiũtua mũthenya wa kũhurũka. Kũu  
mũgũndainĩ wa Edeni, Adamu na mutumia  
wake Ewa marĩ na gĩkeno gĩkinyanĩru  
magĩathĩkĩra Ngai. Ngai aarĩ  
**MWATHANI** wao, Mũheani  
wao, na mũrata wao.



Rĩrĩa Ngai ombire indo ciothe


Rũgano kuma Kiugoinĩ kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩinĩ wa

Kĩambĩrĩria 1-2

"Ciugo Ciaku ciatarĩrio nĩrehaga ũtheri."  
Thaburi 119:130






Mãico



1



60



Rũgano rŭrũ, rŭrĩa rumĩte Ibukuinĩ rĩa Ngai,  
rŭratũmenyithia igŭrũ rĩa Ngai witũ wa magegania,  
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.  
Mũcara wa mehia nĩ gĩkuũ, no Ngai nĩakwendete mũno makĩria  
nginya agĩtũma Mŭrũ wake wa mũmwe, Jesũ, nĩguo oragwo  
mũtharabainĩ na aherithio nĩtondũ wa mehia maku. Nĩacokire  
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie  
akuohere mehia maku, nĩegwĩka ũguo! Nĩegũka na atũre thĩinĩ  
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:  
Mwendwa Jesũ, nĩndetĩkia atĩ wĩ Ngai, na nĩwatuĩkire  
mũndũ nĩguo ũkue nĩtondũ wa mehia makwa, na rĩu wĩ muoyo.  
Nĩndakũhoya ũũke mũtũrĩreinĩ wakwa na ũnjohere mehia makwa,  
nĩguo kuma rĩu, ngĩe na muoyo mwerũ, na mũthenya ũmwe ngoka  
ndũranie nawe tene na tene. Ndeithia gũgwathĩkagĩra na  
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o  
mũthenya o mũthenya! Johana 3:16

